

7. A TAWNTUNG THUKHENNA

- a) **Laisiangtho bulphuhte** Heb. 6:1-2; 2Pet. 3:3-15; Rom. 2:5-11;
 Heb. 10:24-39; Matt. 25:31-46; Matt.24:1-51.

b) Thupatna

Tu in picin nading ah i pai nading a kizam i upna ah a nunung dinmun bulpi i tung ta hi. Zeisu nungzuite i hihna ah vantungah, Pasion lo khampan hong kipan khia, suang manpha siang bang a siang, nuntakna guntui khat om hi cih i thei hi. Hi lai ah samsiatna, tuipei, khituite leh zan hunte om nawn lo hi. Ahizong in vantung a hi-a, hell ahizong in om hi. A tawntung thupha a om mah bangin a tawntung thu khenna zong om hi.

c) Thukhenna cih kammal ii a khiatna banghiam?

"Thukhen" cih verb ii khiatna pen khenna; a kikal ah kilamdanna bawl, thukhenna bawl, khinkhia, sim ding a sam, dotna nuai ah sam, diktak a, thukhen, thukhenpa pang a sittel, thuakhakna ah tun', thukhen, sim theih ding a puak, ukna vaihawm, uk cih na hi.

d) Atawntung thukhenna sinna Ahangte

(i) Eite i lungdam paisuak nading.

Pasion hehpihna leh lainatna hangin lungdam un (Rom. 5:8-9; 1Thess. 1:10).

(ii) Pasion zahtakna ah i nuntak theih nading (Heb. 10:31; 1Pet. 1:17)

"Pumpi a thah theih hangin kha a that thei lote na kihta kei un. Kha le pumpi meilii sunga a siasak theipa na kihta zaw un." (Matt. 10:28)

'Siasak' cih kammal pen om nawn lo aihkeh beisak cihna hilo a, siatna tun' cih na hi cih ciam teh in. Hih pen a omna pan bei hilo in hoihtak a om lo cihna hi.

(iii) A mangthangte adinga thumsakna toksiatna.

Khazih tawh lo a, sihna a lauhuai na hang hi.

(iv) Ahi ding banga lungdamna thu i gen khiat theih nading (Rom. 1:16-20).

Lungdamna thu in Pasiona thumanna leh thangpaihna a nih in pulak hi.

e) Pasion Thangpaihna koici kilat hiam?

- Mihing phawktheihna sungah i keu mang a, a hikgawp kei nakleh.

- Tangthu sungah: gentehna in, Adam leh Eve te Eden pan a kihawl khiatna, tuiciin tunna, Babel tausang lamna, Sodom leh Gomorah khuapite.

- Dawi in "na si kei ding hi" a cih hang mi khempeuh a sihna thu ah (Gen 3:4)

- Mawhna gui zom ah, "Mikhat in a vawh bangin a at hi." (Gal. 6:7)

- A kilang bel pen Calvary ah ahi hi. Pasion thangpaihna lungkimsak nading in Zeisu in man tampi a nei lo a mah eite adingin mawhna a suaksak hi." (2Cor. 5:21)

f) A tawntung thukhenna

- Alian leh a lauhuai Topa hi (Mal. 4:5).

- Pasion thumaan thukhenna a kipulak hun, Pasion thangpaihna ni(Rom2:5)

- Thukhen ni leh Pasion mi ahi lote kisiat ni (2Pet. 3:7).

- Tuuno tokhum tung a tupa Thangpaihna ni lian.(Rev. 6:16-17)

Atawntung thukhenna pen kician hi (Acts 17:30-31; Isa. 45:23-24). Pasion Gam lam a om lo khempeuh tua ni teh om dinguh hi (Rev. 21:8; Luk. 16:19-31). Hih i huzap pen kihatak huai ding hi (Isa. 2:19; Rev. 6:16-17; Heb. 10:31).

g) Atawntung thukhenna i cih banghiam?

- Atawntung hell mei sungah khatna hi (Matt. 18:8-9)
- Dawi gilo leh a vantungmite kipawlna hi (Matt. 25:41)
- Atawntung daan piakna hi (Matt. 25:46)
- Kahna leh hangawina a om na khuamial hi (Matt. 25:30)
- Maizumna leh a tawntung zahpihna hi (Dan. 12:2)
- Sihna nihna hi (Rev. 20:14-15)
- Pasion tawh a tawntunga kikhenna hi (Matt. 25:41; 2Thess. 1:9-10)

h) A tawntung thukhenna vai hilhna dangte;

- Sukmaimang na i.e, a tawpna ah bangmah om nawnlo
- Tawlkhat sung daantatna, tua khit teh sukmaimang na.
- Khuavannuai mi khempeuh kilemkikna, hi lai ah dawimangpa nangawn gupna ngah ding hi.

(Ciapteh ding; Hih a tung 'h'sungaa thute khempeuh Laisiangtho tawh a kituak khat zong om lo hi (Matt. 25:31-46; Rev. 20:10; Mark 9:47-48)

i) Banghang in thukhen na om kul hiam?

- Pasion thukham langpan a mawhna hang hi (Rom. 2:12)
- Pasion milohna hang hi (2Pet. 3:7)
- Thumaanlohna hang hi (2Pet. 2:9)
- Thumanloh na hang hi (Jude 6)
- Uplohna hang hi (John 3:16)
- Palsat na hang hi (Rom. 5:18)
- Nasep hoih lo te hang hi (John 3:19)

j) Thukhen mang kua hiam?

- Pasion (Acts 17:31; Rom. 3:6; Heb. 12:23; 1Pet. 4:5)
- Tapa (John 5:22-27; Acts 10:42)
- Misiangthote (1Cor. 6:2-3)

k) Pasion thukhenna a zuih ding thupite banghiam?

- Khuavak aih keh a kilangh thuman thutak tehna (Matt. 10:14-15)
- Pasion thu theih kimna (John 8:15-18; Rev. 20:12,15; Rom. 2:2)
- Pasion kammalte (John 12:48-50)
- Mimal mawhpuakte (Rom. 14:10-12)
- Mimal gamtatnate (2Cor. 5:10; Rom. 2:5-6; 1Pet. 1:17; Rev. 20:12)
- Pasion maitang deidan lohna (1Pet. 1:17)
- Khazih tate tungah bawlna (Matt.s 25:31-46; Matt. 12:50; 2Thess. 1:5-10)
- Thukham (Rom. 2:12)
- Thumanna leh thudikna (Psa. 9:8; 96:13; Act. 17:31; Rom. 2:5; 2Tim. 4:8; Rev. 19:11)
- Ngimna leh nuntakna ngaihsutna (1Cor. 4:5; Rom. 2:16)
- Lungdamna thu (2Thess. 1:8)

l) Banghun teh Thukhenna piang ding?

(i) Hih pen piang khin hi.

- Satan (John 16:11; Col. 2:15)
- Leitung (John 12:31)

- Mihing (John 3:18; John 5:24; Rom. 5:9; Rom. 8:1)
 - (ii) **Hih pen a pian laitak hi.**
 - Mawh neite (Rom. 1:18-32)
 - Christiante (1Cor. 11:31-32)
 - (iii) **Hihpen hong piang ding hi.**
 - Sih khit teh (Heb. 9:27)
 - Nitawpni teh (John 12:48)
 - Tua ni teh (Matt. 10:15; Matt. 11:22-24; Matt. 12:36; Acts 17:31; Rom. 2:5; 1Cor. 3:13; 2Thess. 1:10; 2Pet. 2:4; 2Pet. 3:7; leh 1Jn. 4:17)
 - Khazih hong pai teh (Matt. 25:31; 1Cor. 4:5; 2Thess. 1:7-10; 2Tim. 4:1; Jude 14:15)
 - (iv) **Hihpen koi mun ah piang ding**
 - Ama minthan na Tokhom ah, minamte ading in (Matt.s 25:31-46)
 - Khazih thukhenna Tokhom ah, Misiantho te ading (Rom. 14:10; 2Cor 5:10)
 - Alian a kang tokhom ah, mawhneite ading in (Rev. 20:11-15)
 - (v) **Bangthu piang ding?**
 - Mawhneite pen a mawhna hang un thu kikhen in, a tawntung daantahna kipia ding hi (2Thess. 1:8-9; Rev. 11:18; Matt. 25:46; Rev. 20:15)
- Zeisu nungzui i hihna tawh eite in a sia mite khahkhia in a si ding mite i kin kul hi.

m) **Dotnate leh kikap khopnate**

1. Pasion pen itna Pasion ahieh leh bang hangin Zeisu Topa leh Honpa a a sang lote a tawntung in dan a pia ding hiam? (Heb. 10:26-29)
2. Pasion in kiim leh paam om zia khat peuh ah, a thumaanna, a siangthona leh a diknate a nial thei diam?
3. Pasion lau in i nuntak ding mah hiam? (1Pet. 1:17)
4. Mihing in mawh ding a teel ciangin Pasion thangpaihna a piangsak ahi hi. Tua thangpaih na aih leh heh na pen Zeisu in koi ci daih sak hiam?
5. Atawntung thu khenna thu kihilhna in banghang in hih leitungah Zeisu ading tecite hong hi nuamsak hiam?

h) **Tomlakna leh Zatpahna**

1. Mihing pen khatvei si dinga sehse hi a, tua khit teh thukhenna thuak ding hi (Heb. 9:27).
2. Pasion pen siangtho, diktat in zuau thei lo hi. Ama sungah lim kikhelna om lo hi. Ama pianzia leh omziate ah thuman hi. Tua hi a, mihingte mawhna leh Pasion langkhat a langpanna pen thu a khen pelmawh ding ahi hi (James 1:7AV; Numbers 23:19).
3. Pasion sunga midikte pen sihna leh samsiatna a omlohna mun ah pai ding a, tua lai ah Zeisu tawh nungta tawntung dinguh hi.
4. Zeisu sunga amaute a ding a Pasion lampi a sang lo te tawntung daan tatna ah pai ding uh hi.
5. Zeisu nungzuite i hih zah khat in a tawntung thukhenna pan Pasion launa leh a manghangte leh a si dingte vaphak nading a hong holhthawh dinmun bulpi maan ahi hi.